



REPUBLIKA E SHQIPËRISË
AUTORITETI I KONKURENCËS
KOMISIONI KONKURENCËS

VENDIM

Nr. 709, Datë 23.09.2020

“Për mos klasifikimin si përqendrim të transferimit të kuotave të shoqërisë Tranzit SHPK nga shoqëria “NCH Balkan Fund, L.P” dhe “New Century Holdings XI, L.P” tek Z.Andi Ballta.

Komisioni i Konkurrencës me pjesëmarrjen e:

Znj.	Juliana LATIFI	Kryetar
Z.	Eduard YPI	Zv/Kryetar
Znj.	Leida MATJA	Anëtar
Znj.	Adriana BERBERI	Anëtar
Z.	Helidon BUSHATI	Anëtar

Në mbledhjen e tij të datës 23.09.2020, shqyrtoi çështjen me:

Objekti: Mos klasifikimi si përqendrim i transferimit të kuotave të shoqërisë Tranzit SHPK nga shoqëria “NCH Balkan Fund, L.P” dhe “New Century Holdings XI, L.P” tek Z. Andi Ballta.

Baza Ligjore: Nenet 2, 10-12, neni 24, germa d, dhe nenet 53-64 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar, Rregullorja “Për zbatimin e procedurave të përqendrimit të ndërmartjeve”, Udhëzimi “Për formën e njoftimit të përqendrimit”.

Komisioni i Konkurrencës, pas shqyrtimit të relacionit të Sekretarit të Përgjithshëm,

VËREN SE :

Transaksioni

Pranë Autoritetit të Konkurrencës, është depozituar njoftimi lidhur me transferimin e kuotave të shoqërisë Tranzit SHPK nga shoqëria “NCH Balkan Fund, L.P” dhe “New Century Holdings XI, L.P” tek Z. Andi Ballta.

Pala blerëse: Z. Andi Ballta, është person fizik dhe ortak i shoqërisë Tranzit SHPK.

Pala shitëse:

- Shoqëria “NCH Balkan Fund, L.P.”, një partnership i kufizuar, i regjistruar në Ishujt Kajman.
- Shoqëria “New Century Holdings XI, L.P.”, një partnership i kufizuar, i regjistruar në Ishujt Kajman.

Shoqëri Target: Tranzit SHPK është një shoqëri më përgjegjësi të kufizuar, themeluar sipas legjislacionit shqiptar. Objekti i veprimtarisë së kësaj shoqërisë është tu ofrojë kredi personave fizikë dhe juridikë, faktoringu, qiraja financiare (leasing), këshillimi dhe shërbime ndërmjetësimi. Në përputhje me legjislacionin shqiptar, shoqëria mund të kryejë çdo veprimtari të lidhur drejtpërdrejt ose indirekt, që vjen si pasojë ose është e lidhur me veprimtarinë e mësipërme.

Vlerësimi i transaksionit

Shoqëria Tranzit SHPK është krijuar në datë 30.03.2009 nga ortakët themelues shoqëritë NCH Balkan Fund, L.P dhe New Century Holdings XI, L.P me pjesë të barabartë të kapitalit të shoqërisë.

Më datë 03 Nëntor 2014 është nënshkruar “Marrëveshja Shitblerje Kuotash” ndërmjet:

Pala blerëse: Z. Andi Ballta

Pala shitëse:

- Shoqëria “NCH Balkan Fund, L.P
- Shoqëria “New Century Holdings XI, L.P

Sipas kësaj marrëveshjeje të dy fondet e investimeve shitën nga 10% të kapitalit të shoqërisë Tranzit SHPK tek Z.Andi Ballta dhe pas marrëveshjes, shoqëria NCH Balkan Fund, L.P. zotëronte 40% të kapitalit, shoqëria New Century Holdings XI, L.P. 40% të kapitalit dhe Z. Andi Ballta 20% të kapitalit. Sipas nenit 3.02 B, të kësaj marrëveshjeje, Asambleja e Ortakëve ka parashikuar në mënyrë të posaçme se deri në momentin kur palët të jenë ortakë të kësaj shoqërie, kontrolli në shoqëri do të ushtrohet nga të tre ortakët dhe asnjë prej vendimeve nuk do të bëhet efektiv pa votën pro të tre ortakëve, pra vendimmarrja në shoqëri do të bëhet me unanimitet.

Me datë 07 Qershor 2016 sipas “Vendimit të mbledhjes së përgjithshme të ortakëve të shoqërisë Tranzit SHPK”, nga ekstrakt-i i QKB- se, ka ndryshuar organizimi i shoqërisë. Ortaku “NCH Balkan Fund, L.P.” zotëronte 1 kuotë, që përfaqëson 35% të kapitalit të shoqërisë, ortakë “New Century Holdings XI, L.P.” zotëronte 1 kuotë, që përfaqëson 35% të kapitalit të shoqërisë dhe ortakë Z. Andi Ballta zotëronte 1 kuotë, që përfaqëson 30% të kapitalit të shoqërisë.

Me datë 11 Dhjetor 2019 është nënshkruar “Marrëveshja Kuadër” ndërmjet:

Pala blerëse: Z. Andi Ballta

Pala shitëse:

- Shoqëria “NCH Balkan Fund, L.P
- Shoqëria “New Century Holdings XI, L.P

Sipas nenit 2, pika 8.1;8.2;8.3 të kësaj marrëveshjeje, ortakë “NCH Balkan Fund, L.P.” zotëron 1 kuotë, që përfaqëson 10 % të kapitalit të shoqërisë, ortakë “New Century Holdings XI, L.P.” zotëron 1 kuotë, që përfaqëson 10% të kapitalit të shoqërisë dhe ortakë Z.Andi Ballta zotëron 1 kuotë, që përfaqëson 80% të kapitalit të shoqërisë. Struktura e shoqërisë mbetet e njëjtë, secili nga ortakët zotëron 1 kuote. Kjo marrëveshje, nuk prek dispozitat e Nenit 3.02 B të “Marrëveshjes Shitblerje Kuotash” të nënshkruar më datë 03 Nëntor 2014, ku palët kanë rënë dakord që vendimet kryesore që kanë të bëjnë me drejtimin, organizimin dhe anën financiare të shoqërisë të merren

me unanimitet.

Për sa më sipër, vlerësojmë se marrëveshja e njoftuar nuk plotëson kriteret e nenit 10 të Ligjit 9121/2003 “Për mbrojtjen e Konkurrencës”, i ndryshuar.

Gjithashtu në zbatim të udhëzimit ”Mbi kontrollin e përqendrimeve ndërmjet ndërmarrjeve”, Përfitimi i Kontrollit, pika 12, jemi para rastit që nuk përfitohet kontroll për të ushtruar influencë vendimmarrje në veprimtarinë e shoqërisë Tranzit SHPK.

PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar,


VENDOSI:

1. Mos klasifikimin si përqendrim i transferimit të kuotave të shoqërisë Tranzit SHPK nga shoqëria “NCH Balkan Fund, L.P” dhe “New Century Holdings XI, L.P” tek Z. Andi Ballta.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.


Ky vendim hyn në fuqi menjëherë.

KOMISIONI I KONKURRENCËS


Eduard YPI

()
Zy/Kryetar

Leida MATJA

()
Anëtar

Adriana BERBERI

()
Anëtar

Helidon BUSHATI

()
Anëtar

Juliana LATIFI

()
Kryetare